

La roso de tóuti li vènt prouvençau Pouèmo de Reinié Raybaud

L'ARBOUS

M'un arbous, flambejant, doun de fino richesso
Dono Floro au païs, bouto si bèus atour...
Presènt meravious qu'emé delicatesso
I'avié baia Fébus, lou segnour dóu Miejour.

L'aubret es abelan dins sa terro proumesso
Sèmpe lèst à moustra touto sa resplendour...
Vòu nous faire mirando alor pèr poulidesso
Engarlando si fru 'm é de ramiho en flour

Dins soun courous vèsti de pampeto verdalo,
Pigaia de floureto e de frucho pourpalo
Qu'eu fai belugueja dins la colo en relèu;

Ai vist de lumenoun, pendoulant i branqueto,
Car vertadieramen, n'en fan de belugueto
Aquéli frago d'or madurado au soulèu!